

Imigassamut katsorsaasutut aalajangersimasumik ilinniagaqarsimanissamik inatsisitigut piumasaqaataasut saniatigut allatut ilusilimmik katsorsaasutut ilinniagallit pisortanit, imigassamut pinngitsuuisinnaajunnaarnermik katsorsaanerme tapiliussatut, atorluarneqarnerulernissaannik periarfissiuunneqarnissaat anguniarlugu, Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Siumumit Inatsisartunut ilaasorta, Doris Jakobsen)

Akissuteqaat

(Peqqissutsimut Naalakkersuisoq)

Siullermeerneqarnera

Naalakkersuisut sinnerlugit Doris Jakobsen Jensen, Siumut, siunnersuuteqarnissamut suliniuteqarsimaneranut qjassuteqarpunga.

Pinngitsuuisinnaajunnaarnermut eqaattumik innuttaasut akornanni assigiinngitsunut naleqqussarneqarsinnaasumik, katsorsaasoqarsinnaaneramik pisariaqartitsisoqarnera Naalakkersuisut akuersaarpaat. Katsorsaasarnermik aqqissuusaanerme katsorsaariaatsit ilisimatusarnikkut tunngavillit amerlasuut, sapinngisamik amerlanerpaanik ikiuisinnaasut neqeroorutigineqarsinnaanissaat pingaaruteqarpoq. Katsorsaariaatsit assigiinngitsut kulturimut imaluunniit inummut naleqqussarneqarsinnaasut ilanngullugit. Katsorsaanerit nakorsaatini perusussusermik annikillisisumik tapertaasumik ilalerneqartarput, taannalu sunniuteqarneramik ilisimatuussutsikkut uppersarneqarluarsimavoq.

Allorfiup atuutilerpera tamaat isigalugu iluatsittoq, taamaakkaluatorli naleqqussaajuartoqassasoq, ph.d.-tut allaatigisami 2024-meersumi nalilerneqarpoq. Allorfimmi suliniutitut siunertat naammassineqartut katsorsaavinnilu tamani katsorsaanerit pitsaasumik naammassineqartartut allaatigisami takutinneqarpoq. Allorfik periarfissaatillugu katsorsartinnerit amerlatsissimapput, pinngitsuuisinnaajunnaarnermillu ajornartorsiutilinnut ajornartorsiutinik aqqiinnissamut, tapersorneqarnissamut toqqissisimaffissamik pilersitsipput.

Pisortat katsorsaanissamut neqeroorutaani pitsaasumik suliaqartoqarnissaa innuttaasullu illersorneqarnissaat qulakkeerniarlugu, katsorsaasut ilinniagaqarnissaanut piumasaqaatit Allorfiup katsorsaaviini aalajangersarneqarnikuupput. Pinngitsuuisinnaajunnaarnermik katsorsaanerup iluani suliamut tunngatillugu katsorsaasut ilinniagaqassapput piginnaasaqarlutillu. Tamatuma saniatigut katsorsaasut marlunnik oqaasillit atorfinitsinneqarnissaat Allorfimmiit pingaartinneqarpoq, tamannalu Allorfimmi katsorsaasut 26-nik marlunnik oqaaseqartunik aamma ataatsimik qallunaatut oqaaseqartumik sulisoqalerneramik kinguneqarpoq.

Allorfimmi assigiinngitsunik ilinniagaqasimasunik tunuliaqutaqartunik katsorsaasoqarsinnaaneranut siunnersuummut tunngatillugu Naalakkersuisut isumaqataapput. Katsorsartinnissamut periarfissanik amerlaneramik toqqaasinnaatitaalernissamut Naalakkersuisunit qulakkeerinnittumik suliaqartoqassaaq,

pinngitsuuisinnaajunnaarnermillu katsorsagassanut tunngatillugu namminersorlutik suliaqartartunut suleqateqartoqaannassaaq. Pisortat aqqutigalugit katsorsaasernerup pitsaasuinnarnissaa Naalackersuisunit pingaartinneqarpoq. Taamaammat allannguinerup kingunerisaani katsorsaanerup pitsaasusaanut qulakkeerinnittumik sunniuteqannginnissaa Naalackersuisunit malinnaavigineqassaaq.

Ilinniarnermi piumasaqaatit massakut atuuttut inatsisitigut allanngortittariaqarnissaat Naalackersuisunit nalilerneqarpoq. Siunnersuut amerlanerussuteqartunit akuerisaappat inatsisitigut suliassat Naalackersuisunit aallartinneqassapput.

Taamatut Naalackersuisut oqaaseqarlutik siunnersuut atuutilertikkusuppaat.